



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritualem Pharmacorum Contra Litem Contagiosam Aliosque Morbos

Wichmans, Augustin

Antverpiae, 1626

Cap. L. De S. Digna Gelensi.

urn:nbn:de:hbz:466:1-9653

Ultanum aliosque Apostolicos ex Hybernia prædicatores receperit & fouerit. Sæpius enim deprehensum est vt eius sancti natalitio die pij fideles obierint cui magis deuoti in vita extiterant. Louanium prima Ducatus Brabantia & totius Belgij ciuitas, inquit Molanus, eam vt primam Brabantia palmam festo die honorat ex constitutione Honorij Tertij Pontificis Romani.

In natal.
SS. Belg.
17. Martij
& lib. de
piet. c. 61.

Pingitur, inquit idem, cum muribus; quod nihil aliud significat nisi quod sancta Virgo diabolum, qui per tales bestias tenebras diligentes designatur, superauerit, & quod alios quoscumque potuit, de tenebris ad claritatem æternæ lucis per suam sanctam vitam & doctrinam reuocare studuerit. Dicitque se audiuisse à quodam Canonico Ecclesie Niuellensis (est enim ibi Capitulum vtriusque sexus in quo Canonicae eaque nobiles & sæculares digniorem locum obtinent) ex antiqua traditione à senioribus suis confratribus accepta, de puteo qui est in crypra Ecclesie, maiores solere aquam adferre qua cum aspergerent domos suas & agros, liberabantur à muribus. Sed nunc, addebat, refrigerante multorum caritate, sicut alibi, sic & in nostra Ecclesia cessant miracula.

CAP. XLIX.

De S. Digna Gelensi.

Peccabo & grauiter, ô candidissimum virginitatis lilium inter spinas gentilitatis ortum, & rubicunda proprio sanguine innocenter ab incesto patre purpurata rosa, si te huic sacro choro non adiunxero. Tu enim Campanie nostrae Brabantinae primiceria Virgo Martyres, & vicinie nostrae Gelensis municipij sacra In-

H h 3.

qui,

In vita
S. Dymph-
næ ca. 24.

Marci 8.

Inquilina non solum infernalium furiarum magna domi-
trix, sed & sacro igne obsessorum corporum fida libera-
trix, quem non semel tuis meritis restinxisti. Patere ergo
vt hîc vnum alterumve exemplum in aliorum inuitato-
rium, & ad tui honorem referam, ex gestis tuis heroicis
& miraculosis beneficijs, quæ integro libello nuper cõ-
texui. Erat sanctimonialis & religiosa quædam femina
igne infernali quem Medici Sacrum seu Persicum vocât,
toto corpore miserabiliter accensa. Serpebat is in dies
nouas vires acquirendo, ita vt membra eius paulatim de-
pasceretur. Intolerabilis erat dolor, neque obuium aut
præsens remedium à medica manu. Mentem ei tetigit
memoria & affectus erga nostram Virginem S. Dignam,
cuius tunc cultus vbique frequens erat vndique saluta-
tarem eius opem poscentibus & ferentibus, vicinis &
longinquis. Insecuta est horum laudabilia vestigia jam
dicta sanctimonialis, & sacras Virginis reliquias ritu sa-
cro Gelæ visitauit, atque ad eas toto corde conuersa re-
stingendo igni salutare refrigerium humiliter exostu-
lauit, obtinuit, & optatæ sanitatis gaudio læta domum
reportauit. Restincto per Virginis merita operante di-
uina gratia vorabundo hoc igne, non ita diu post in cura-
tis jam corporis partibus adedò vehementi se rursus suc-
cendi calore persensit, vt posteriora hæc prioribus du-
riora timeret. Ecquid mirum hîc aut admirandum? non
semper in primo actu perfectè sanat summus ille Archia-
ter, sed sepe per interualla & tractus temporû, cui exem-
plo erit Evangelicus cæcus qui nonnihil illuminatus, ho-
mines primùm vidit velut arbores ambulantes; at post-
modum visu in totum restituto perfectè vidit omnia.
Et quis hic ad amûssim veritatis verus indagator de redi-
tu morbi? hoc ex vero, sensit calorem, timuit rediuium
ignem, refugit ad liberatricis suæ auxiliû, cumq; diutiùs
foli-

solitis orationibus & consuetae deuotionis operibus infisteret, perfectae sanitatis beneficiū ipsa facta perfectior non amplius pro morbo deprecatura sed actura gratias recepit.

Objicient fortassis hīc nostri saeculi variè dissecti sectarij, in celeritate & morae breuitate adeoque perfecta sanitate miraculorum consistere praestantiam. At verbo ijs respondeo, verum quidem esse quod virtus diuina durationis indiga non sit; tamen illa Deus paulatim & sensim quandoque operatur, nec miraculo perfecta sanitas semper confestim redditur & in instanti, vt in ceco jam dicto apparuit. quid mirum si etiam in sanctis id locum habeat quibus faciendi miracula communicata est potestas? forsitan illud contingit, vt qui sibi paulatim cernit conferri beneficium, pluris id ipsum faciat. Sed neq; negandum redentibus peccatis morborum causis, eorum effectus saepè redire. Diuulgata verò huius sanctimonialis miraculosa curatione, puer quidam eodem sacro igne accensus, non aliò quàm ad sacram hanc curatricem à parentibus Gelam defertur, eandem pariter opem ab eadem per precēs & vota sperantibus. Cumque Virginis Ecclesiae mirabilem miserandamque suam prolem inferrent, casu contigit eodem tempore sacram concionem ad populum à presbytero haberi. qui misera infantis afflictione non parum commoti, vnà cum parentibus sanctam Virginem supplices deprecantur, vt manum auxiliatricem porrigat ignemque membra exedentem dignetur restinguere. Vix preces fusae, & ecce omnis ille ignis pestifer omninò extinctus, & puer omnimodae sanitati perfectè restitutus est. Quid ego hīc dicam? certè stupeo neque possum quin te magnis vocibus, o magna magnorum morborum curatrix, laudem, & votum hoc cum magno Lipsio pro patria hīc interferam.

Plu.

*Plurima iam bello civili labitur atas
 Suisque Belga viribus
 Interit, ac toti debet ludibria mundo.
 Heu triste fatum! quis modus,
 Et quis finiserit? finis, si turbida vita
 Emancipata crimini
 Mundatur, si vindicat hanc sibi mascula virtus.
 Tu virgo conantes iuua:
 Et veluti cancer ferus ille quieuit, & à te
 Prohibitus ultra serpere,
 Sic gangrana mali deseniât intestini
 Et in vicem veniat Quies.
 Illa Quies optata bonis & suspirata.
 Aspira & indulge frui;
 Ac simul ardentem patriâ depellito pestem
 Quæ tot ruinat corpora.*

Diem obiit tenerrima Virguncula, vtpotè quindecim tantummodo annorum nata, anno Christiano 600. 30. die Maij, ferali gladio incesti patris cervicem percussa eo ipso loco quo nunc Xenodochium Gele conspicitur à Bertholdis Grimberge & Gele Dominis fundatū. quòd enim quidam asserere conentur eā passam vbi hodie collegiata eius est Ecclesia à Merodianis ampliter dotata, pluribus in eiusdem vita refuto, quā, cūm Deus & superiores voverint, luci dabo. Festū tamen eius colitur 15. Maij, quòd eo die per Cameracensem Episcopum facta sit sacri corporis in nouam ex argento gemmisq; fabricatam Lipsanothecam translatio, quando supra Virginem eius pectus in marmorea ab angelis fabricata tumba quiescentis, rubens lapis inuentus est cum hoc Epitaphio: Hic jacet S. Digna Virgo & Martyr. & quā conuenientissimè. in marmore enim candido congruebat honori virgineo testimonium castitatis: & in lapide rubicundo inditium passionis.

C A P.

Pet. Camerac.
 in vita.

„
 „